

خزینہٴ اوراق

دومرو
۱۳

تاریخ تالیس
۱ مایس سنہ ۱۳۹۷

جمعہ ابرتسی

عمومیتی اعتباریله فنونہ دائر رسالہٴ ادیبہ در

آیدہ درت کرہ اولہرق جمعہ ابرتسی کونلری چیقار

پشانلی سید محمد سعید افندیبنک جزایر بحر محیطہ
دائر وبردیکی بعض معلومات

مقدملری بزم طرفلر اہالیسی ایچون فریضہٴ حجی ایضا
ایٹک زیادہ مشکل وچوق سندلرہ متوقف ایدی اولاد وعیال
صاحبلری ایلہ سائر علایق اربابی ویاخصوص مستراولتلفنندہ
بویلہ انواع مشاق وخطرات اولان بر مسفر دور ودرازی
بالطبع کوزلرینہ کسدیرہ میوب انجق مجرد قوہٴ بدنہلری غیرت
دینہلرینہ مساوی اولتلدن بعض کسان بیت اللہ الحرام زیارتہ
قیام ایدہ پلوردی وراکب اولدقلری یلکن کیلرینک نہ قدر
وقت روی دریادہ قالہ جقلری معلوم اولدیغندن بش التی آیلق
و بلکہ دہا زیادہ مدت ظرفندہ اقتضا ایدن پرنج ویاغ
ولوازم سائرہ لرینی برابر الورلر ایدی.

مثلا چاودن کمی یہ سوار اولان برحاجی پلین بان وملاقہ
اوزرندن انجق اویج درت آیدہ آچین جزیرہ سنہ کلہ پیلورایدی
اورادن مسقط سورہ یاخود بصرہ یہ کیدن بر کمی یہ تصادف

ایدہ پیلدیکی خالدہ اندن استفادہ ایدر ایدی فقط آچینده بویله
 کیلر هر وقت بولمديغندن بعض کره اوراده برايکی سنه بکلمک
 لازم کلور ایدی . اشته بو وجهله برقاج کره کمی دکشدیروب
 هر برنده دخی لا اقل بر قاج آیلر قالدق واسککلرده چوق
 وقتلر غایب ایدرک نهایت بش التي سنه ظرفنده منزل مقصوده
 واصل اوله ییلوردی و بو یولده چکیلان زحمت و تکلفدن
 اورکوب اکثریا مملکتلرینه عودت ایتمدن فراغت و مجاورتله مکّه
 مکرمده اقامت ایدرلر ایدی . اسباب مشروحه یه مبنی برچوق
 سنه لدن صکره حجاجک بلکه یوزده اونق وطنلرینه رجعت
 ایدہ ییلورلر ایدی .

فقط حاجیلرک مملکتلرنده بو مناسبتله مظهر اولدقلری اعزاز
 واحترام بو یولده چکدکلری محن و مشاق نسبتده ایدی
 اماکن مقدسه زیارتیه تشرف ایدن ذواتک وجودیه تبرک
 ودعاسندن اغشام اولنور ایدی والیوم حجاجک کثرتیه برابر
 ینه بر درجه یه قدر بین الناس حرمت و اعتبارلری باقی اولوب
 حتی ویرکو و تکالیف سائرده معافدرلر حاجیلر عودتلرندن
 صکره ارتق کندولرینه مخصوص البسه کیمیوب علامت فارقه
 اولوق اوزره دائما مکّه مکرمه اهاالیسی زینده بولنورلر .

مصر والیسی مرحوم محمد علی پاشانک اواخر حکومتده
 بش قطعه بکلمک مصر کیسی هر سنه آچین وینان اسککلرینه
 کلوب طوغریدن طوغری یه حجازه حجاج نقل ایدر ایدی
 بزم طرفلرجه بر نعمت عظیمه عد اولنان شو حال التي یدی
 سنه دوام ایلدی بوکیلرک وسواریلرینک اسملری حالا خاطرلرده در
 کیلر ملک البحر، فتح الباری، قطمیر، فتح الرحمن، وسواریلری،

احمد پهلوان، حسین، سلیمان قیودانلر ایدی و بونلر اولاد عربدن اولیوب جله سی عثمانلی ایدیلر حتی احمد قیودان بر سفرنده وفات ایدوب کمال احترام ایله پنان جزیره سنده دفن اولندی . بو مصر کیلری جسم و اوچ دیرکلی ایدیلر هربری درت بش یوز حجاج الور و برچوق امتعه تجاریه دخی تحمیل ایدر ایدی .

سفاین مصریه چکدکدن صکره جده، مخا و مسقطدن هر سنه اون قدر کی کلوب حجاج نقل ایتمکده باشلادیلر . بو کیلر آچین، سیلان، ملیار، مسقط، مکلا، مخا، حدیده، قنفده اسکله لرینه اوغرایه رق اکثریا اوچ ایده جدهیه واصل اولورلردی .

واپورلر چیققدلی یلکن کیلرینه حاجت قالمدی الیوم چین ایله سویش بینده انتظام اوزره ایشلیان انگلیز واپور سفینه لر ی واسطه سیله حجاج موقعنه کوره اوتوز قرق کونده جدهیه کلیورلر .

پناندن استانبوله بحرأ بروجده آتی اوتوز برکونده کلنه بیلور

کون

۸ پناندن سیلان جزیره سنده غالی اسکله سنده

۹ عدنه

۸ سویشه

۲ پور سعیده

۴ استانبوله

استان بولدن پناہ برآ کیدیلہ جک اولسہ اثنای راہدہ ہیج
توقف اولنماق شرطیلہ انجق ایکی یوز طقسان ایکی کوندہ
واریلہ بیلور . بومسافہ هندستان تیمور یوللری مناسبیلہ براز
قیصالمشدر قالا اوللری بونک قطعی برسنہ دن زیادہ زمانہ محتاج
اولہ جینی درکاردر .

کون

۴۰	اسکداردن بغدادہ
۳۰	ایرانک پایتختی اولان طہرانہ
۴۰	خراساندہ واقع مشہور حنا شہرینہ
۱۵	افغانستاندہ واقع ہراتہ
۳۰	افغانستانک پایتختی اولان کابلہ
۲۰	ہندستانک جنوبندہ واقع پیشاورہ
۰۶	ہندستانک مرکز حکومتی اولان کلکتہ یہ (تیمور یولیلہ)
۰۷	دقہ یہ
۱۵	چاتغونہ
۲۰	برما مملکتک جانب غریبسنده واقع اراقانہ
۱۵	مملکت مذکورہ مک نہایت جنوبیدہ سندہ واقع رانغونہ
۱۵	مولی یہ
۰۵	سیام دولتشک پایتختی اولان بانقوہ
۳۰	قدح مملکتہ (فیل واسطہ سیلہ)
۰۴	پنان جزیرہ سنہ

۲۹۲